

ՀԱՅ ԳՐԱԿԱՆՈՒԹՅԱՆ ՕԼԻՄՊԻԱԴԱՅԻ ԴՊՐՈՑԱԿԱՆ ՓՈՒԼԻ
ՀԱՐՑԱՇԱՐ - 10-րդ դասարան - 90 րոպե

1. Պնդումներից ո՞րն էճիշտ Մեսրոպ Մաշտոցի վերաբերյալ:
 - 1) Մաշտոցը վերաձևավորել է հայոց այբուբենը, ոչ թե նորն է ստեղծել:
 - 2) Մաշտոցը գրչագրել է իր ստեղծած այբուբենը:
 - 3) Մաշտոցը հայոց այբուբենը ստեղծել է «Մեկ հնչյուն, մեկ տառ» սկզբունքով:
 - 4) Մաշտոցն հույների և ասորիների հետ թարգմանել է «Աստվածաշունչը»:

2. V դարի պատմիչների մասին ո՞ր պնդումն է սխալ:
 - 1) V դարի պատմիչները անդրադաձել են իրենց ժամանակի խոշորագույն իրադարձություններին:
 - 2) Նրանք իրենց մատյանները գրել են առանց պատվերի:
 - 3) V դարը համարվում է հայ գրականության Ոսկեդարը:
 - 4) Ոսկեդարի պատմիչները օգտագործել են թե՛ գրավոր , թե՛ բանավոր տեղեկություններ:

3. Պնդումներից ո՞րն է սխալ Ագաթանգեղոսի «Հայոց պատմության» վերաբերյալ:
 - 1) Մատյանը հիմնականում ընդգրկում է Հայաստանում քրիստոնեական տարածման շրջանը:
 - 2) Ագաթանգեղոսի մատյանը հարուստ է հրաշքի նկարագրություններով և պատկերավոր խոսքով:
 - 3) Գրիգոր Լուսավորիչը Տրդատին բժշկում է Խորվիրապի բանտից:
 - 4) Կերպարանափոխվելով խոզի՝ Տրդատը չի կորցնում իր մարդկային հատկանիշները:

4. Ո՞ր պնդումն է սխալ Փավստոս Բուզանդի վերաբերյալ:
 - 1) Բուզանդը համարվել է հույն պատմիչ՝ նույնացվելով ազգությամբ հույն Փավստոս եպիսկոպոսի հետ:
 - 2) Փավստոս Բուզանդը ժամանակագրական հաջորդականությամբ 5-րդ դարի մատենագրության չորրորդ դեմքն է:
 - 3) Բուզանդի «Պատմությունն» ընդգրկում է 65 տարվա պատմություն՝ Տրդատ Մեծի որդի Խոսրով Կոտակից մինչև Հայաստանի բաժանումը (319-384թ.թ.):
 - 4) Մատյանում լուսաբանված են Ներսես Մեծի ,Արշակ II-ի և Պապ թագավորի գահակալության տարիները:

5. Պնդումներից ո՞րն է սխալ Եղիշեի վերաբերյալ:
 - 1) Եղիշեն իր աշխատությունը գրել է Մամիկոնյանց Դավիթ երեցի պատվերով:
 - 2) Եղիշեն չի եղել իր նկարագրած դեպքերի մասնակիցն ու ականատեսը:
 - 3) Եղիշեն ստեղծել է հատուկ ուրվագծված մի քանի կերպարներ՝ Վարդան, Վասակ, Հազկերտ . տեսանելի է նաև Եղիշեի կերպարը:
 - 4) Եղիշեն կերտել է նաև հոգևոր հայրերի կերպարներ՝ Հովսեփ Վայոցձորեցի, Ղևոնդ երեց և այլք:

6. Ո՞ր պնդումն է սխալ Ղազար Փարպեցու վերաբերյալ:

- 1) Ղազար Փարպեցին գրել է միայն «Հայոց պատմություն» մատյանը:
- 2) Փարպեցու Պատմությունը ընդգրկում է 100 տարվա պատմություն:
- 3) Փարպեցին հիմնադրել է Էջմիածնի մատենադարանը և այն հարստացրել գրական բազմաթիվ աղբյուրներով:
- 4) Փարպեցին նկարագրել է Վահանանց պատերազմը, իր մատյանը շարադրել Վահան Մամիկոնյանի պատվերով:

7. Ո՞ր պնդումն է ճիշտ Խորենացու վերաբերյալ:

- 1) Խորենացին իր «Հայոց պատմությունը» սկսել է հայ ժողովրդի ծագումնաբանությունից և հասցրել մինչև իր ապրած ժամանակը:
- 2) Խորենացու «Հայոց պատմությունը» բաղկացած է 4 գրքից և «Ողբ» հավելվածից:
- 3) Խորենացին չի նշել այն աղբյուրները, որոնցից օգտվել է:
- 4) «Ողբ»-ում Խորենացին գովերգում է հայոց թագավորությունը, հիանում հայերի ստեղծարար աշխատանքով:

8. Պնդումներից քանի՞սն է սխալ «Սասնա ծռեր» էպոսի վերաբերյալ:

- 1) «Սասնա ծռեր» էպոսը հիմնականում ստեղծվել է միջնադարում՝ արաբական արշավանքների ժամանակ:
- 2) «Սասնա ծռեր» էպոսը հարուստ է առասպելաբանությամբ, չափազանցություններով:
- 3) «Սասնա ծռեր» էպոսի հերոսները միմյանց հետ կապված են սերնդակցությամբ:
- 4) «Սասնա ծռեր» էպոսի բոլոր կին հերոսները նույնպես առաքինի և հայրենապաշտ են, ինչպես իրենց ամուսինները:

9. Պնդումներից ո՞րն է սխալ Փոքր Մհերի վերաբերյալ:

- 1) Փոքր Մհերը քաջաբար պատերազմում է Դավթի թշնամի յոթ թագավորների դեմ և հաղթում նրանց:
- 2) Փոքր Մհերը հեռանում է Բաղդադ և այլևս չի վերադառնում:
- 3) Փոքր Մհերը ամուսնանում է գեղեցկուհի Գոհարի հետ, բայց մնում է անժառանգ:
- 4) Փոքր Մհերը սպանում է Չմշկիկ Սուլթանին և կոտորում է նրա գորքը՝ վրեժ լուծելով հոր մահվան համար:

10. Ո՞ր պնդումն է ճիշտ «Սասնա ծռեր» էպոսի կերպարների վերաբերյալ:

- 1) Էպոսում չկան բացասական կերպարներ, բոլոր կերպարները աշխատասեր ու հայրենասեր մարդիկ են:
- 2) Ժողովրդի ազատության ու բարօրության համար Սասնա քաջերը սուր են վերցնում և անձնագոհաբար կռվում թշնամիների դեմ:
- 3) Էպոսում չկա ոչ մի հերոս, որ մասնակցի բոլոր ճյուղերում:
- 4) Էպոսի կին հերոսներից ոչ մեկը չունի արքայական ծագում:

11. Ո՞ր պնդումն է սխալ Գրիգոր Նարեկացու «Մատյան ողբերգության» պոեմի վերաբերյալ:
- 1) Գրիգոր Նարեկացին իր «Մատյանի» շնորհիվ դարձել է միջնադարի խոշորագույն հայ բանաստեղծ և համաշխարհային գրականության անկրկնելի մեծություններից մեկը:
 - 2) «Մատյան ողբերգության» պոեմը հետագայում կոչվել է «Նարեկ» և սրբացվել ժողովրդի կողմից:
 - 3) Գրիգոր Նարեկացին բանադրվել է եկեղեցու կողմից և կարգալույծ արվել:
 - 4) Գրիգոր Նարեկացին X դարի հայկական վերածնության հիմնադիրներից է և իր կենդանության օրոք մեծարվել է (Ուխտանեսի կողմից) «տիեզերական վարդապետ»:
12. Պնդումներից ո՞րն է սխալ Գրիգոր Նարեկացու «Տաղեր»-ի վերաբերյալ:
- 1) Նարեկացու տաղերը շարականների շարունակությունն են. տարբերվում են նրանցից իրենց բնապաշտությամբ և բանաստեղծական անկախությամբ:
 - 2) Նարեկացին կրկնել է իր նախորդներին՝ այլաբանորեն երգեցրով բնության գեղեցկությունը:
 - 3) Նարեկացու տաղերում մենք տեսնում ենք իրական կնոջը իր «թիկնեթեկին» քայլվածքով, իր աստվածային էությամբ՝ Աստվածածնի կերպարանքով:
 - 4) Գրիգոր Նարեկացին իր տաղերով վիթխարի առաջընթաց քայլ է կատարել՝ հայ բանաստեղծությունը մոտեցնելով իրական կյանքին:
13. Ո՞ր պնդումն է սխալ միջնադարյան հայ գրականության վերաբերյալ:
- 1) Միջնադարը մեր մշակույթի ամենամռայլ շրջանն է:
 - 2) Միջնադարյան հայ գրականությունը հարուստ է ժողովրդական ու գուսանական քնարերգությամբ, առավել տարածված են եղել հայրենները:
 - 3) Միջնադարյան կրոնական տաղերում գովերգվել են երկնային տերը, Մարիամ Աստվածածինը, վերապատմվել են Աստվածաշնչի որոշ դրվագներ:
 - 4) Միջնադարում՝ 12-13 թդ դարերում, հայ գրականության ժանր դարձավ առակագրությունը:
14. Ո՞ր պնդումն է ճիշտ վարքագրության վերաբերյալ:
- 1) Վարքագրությունը ստեղծվել է V դարում՝ հայ գրերի գյուտից հետո:
 - 2) Հայ գրականությունը հայտնի է վարքագրության միայն մեկ օրինակ՝ Կորյունի «Վարք Մաշտոցի» մատյանը:
 - 3) Հայ գրականության ամենահայտնի վարքագրությունը Եղիշեի «Վասն Վարդանայ և հայոց պատերազմի» մատյանն է:
 - 4) Վարքագրությունը իր ուրույն տեղը չունի Ոսկեդարի գրականության մեջ:
15. Պնդումներից ո՞րն է սխալ հայ հին բանահյուսության վերաբերյալ:
- 1) Հայ հին բանահյուսությունն ընդգրկում է բազմահազարամյա մեր ժողովրդի հավատալիքներն ու հնագույն գրույցները, որոնք կոչվել են վիպասանք, առասպելներ, թվեյաց երգեր:
 - 2) Մեծ Հայքի Գողթն գավառի երգիչները եղել են շատ նշանավոր, որոնց անվամբ էլ մեր հին հեթանոսական երգերը կոչվել են նաև «Գողթան երգեր»:
 - 3) Հայ հին բանահյուսությունից մենք ծանոթանում ենք Հայոց դիցարանին:
 - 4) Հայկական առասպելների հարուստ գանձարանից մեզ են հասել բազմաթիվ առասպելներ՝ Խորենացու շնորհիվ:

16. Հաջորդականությամբ նշել հայ հեթանոս աստվածների համարները:

1. Աֆրոդիտե,
2. Անահիտ,
3. Յանուս,
4. Աստղիկ,
5. Հերա,
6. Ապոլլոն,
7. Արամազդ
8. Պարիս:

17. Հաջորդականությամբ նշել այն տողերի համարները, որոնց հեղինակը Մովսես Խորենացին է:

1. Ես սիրում եմ ըստ քաջության այսպես կոչել՝ Հայկ, Արամ, Տիգրան:
2. Վախը թերահավատության նշան է:
3. Լավ է կույր լինել աչքով, քան մտքով:
4. Քաջերի սահմանը իրենց զենքն է:
5. Բազում են կոչվածները, բայց սակավ են ընտրյալները:

18. Հաջորդականությամբ նշել այն ստեղծագործությունների վերնագրերը, որոնք գրել է Նարեկացին:

1. «Տաղ անձնական»,
2. «Տաղ ի վերա վարդի և բլբուլի»,
3. «Ողբ Եդեսիոյ»,
4. «Մեղեդի ծննդյանս»,
5. «Տաղ հարության»,
6. «Հավատով խոստովանիմ»,
7. «Տաղ Վարդավառի»:

19. Հաջորդականությամբ նշել Պատմահոր «Հայոց պատմության» գլուխները:

1. «Մեր պատմության ավարտը»,
2. «Մեր մեծերի ծննդաբանությունը»,
3. «Միջին պատմություն մեր նախնիների»:

20. Հաջորդականությամբ նշել այն թվերը, որոնք մատնանշում են Ագաթանգեղոսի պատմության կառուցվածքը:

1. «Հայաստան աշխարհիս փրկության դարձը»,
2. «Մուրբ Գրիգորի վարքը և պատմությունը»,
3. «Հռիփսիմյանների վկայաբանությունը »:

Հանրապետական հանձնաժողովի նախագահ՝ Ս. Աբազյան